



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Missionis Anglicanae Societatis Iesv**

**More, Henry**

**Avdomari, 1660**

Litterae Southwelli ad Comitem Philippum de Arondel n. 21.

**urn:nbn:de:hbz:466:1-38320**

quævis parata; quam nisi adferas, in amplissimis ædibus egentissimus habites necesse est. Talem reperit *Southwellus* Comitissæ domum: Mæstam præterea mariti Comitum in Arce Londinensi custodiã. Huius parens Dux Norfolciæ, affectati Matrimonij cum Regina Scotiæ captivã reus; accusatus præterea confessionis cum alijs Elizabethæ inimicis, (Pontifice nimirum atque Hispaniarum Rege,) anno huius seculi Septuagesimo tertio capite minutus fuerat. Avus (leuibus valdè de causis, inquit Cambdenus) eodem supplicio ante plures annos plexus, Proavo non absummi nece olim sublato. Horum in sua stirpe continuato infortunio commotus hic Philippus Comes, legum etiam severitatem in Catholicos, & magnorum potentiam aduerialiorum veritus, cogitauerat se clam à Regno subducere; Scripseratque ad Elizabetham causas huius discessus tradendas cum soluisset; sed antequam solueret suorum infidelitate detectus tenetur, & in arcem custodiendus ducitur. Abit annus; nullum adfertur crimen; Tum nè penitus innocentem viderentur seclusisse, in Camerã ut vocant stellata coram principibus Regni viris accusato, quòd Sacerdotibus præsto fuisset contra quàm lege præscribitur; quòd commercium habuisset literarum cum *Alano* & *Personio* Regiæ inimicis; Quòd scripto calumniatus sit in administrando Regno usurpatis nunc rationes; & denique quòd clam voluerit abijisse Regno ut Hispano militaret; multam imponunt decem millium librarum nostratium & carcerem ad arbitrium Regiæ. Neque finis hic dolorum. Post tres annos custodiae (non enim existimauit Regina liberandum) rei Capitalis arguitur. Capita criminationis alia ferè non fuere, Cambdeno teste, quàm quæ anno octogesimo sexto allata fuerant; damnatur tamen; alijs hunc primæ nobilitatis florem tam cito emarcuisse dolentibus (vix enim attigerat ætatis annum trigessimum tertium) alijs prudentiam, scilicet, Regiæ ad sidera tollentibus, quòd hoc exemplo terrorem incussisset ijs qui inter Catholicos erant præcipui, & parcens deinde vitæ satis existimauerit fregisse tanti viri potentiam, & eam quã apud Romanum Pontificem valere putabatur gratiam obstruxisse; decem annorum carcerem perpessus, atque in his noctes diesque orationi deditus, & operibus pœnitentiæ, diem clausit extremum, Anno eius seculi nonagesimo quinto.

XXI. *Southwello* interea curæ fuit par istud coniugum quocumque poterat medicamine solari. Comitissam præsentem quã verbo, quã pijs quandoque scripto traditis exercitationibus erigebat ad eam solitudinem non modò tolerandã, sed amore melioris sponsi Christi *Iesu* amplectendam, & prece ad Deum frequentiori suscipiendũ obsequium quòd absenti marito non poterat opere exhibere. Illius causã scripsit regulam benè viuendi quæ deinde typis mandata pluribus profuit: Tum etiam Epistolam consolatoriam prolixiorẽ, quanquam & illa omnium Catholicorum vexationibus leniendis fuit utilissima. Comitem etiam solabatur suavissimis literis; in quibus illæ sunt,

Aa

post

Familia  
Howard  
u calami  
tas.

Cambdenus  
Ao 15  
Ecclesiæ.

Item Ao  
28. & 29. &  
32.

Vide etiam  
signe Elo  
gium apud  
Cornelium  
à lapide ad  
Hebræos  
10. v. 34.

Literæ  
Southwelli  
ad Comitem  
Philippum  
mo te  
damnatum

1595.

Inter fami-  
liares Epi-  
stola 39.

post mortis latam sententiam datæ, quò ad extremam ( quæ expectabatur ) vitæ aleam fortiter subeundam incitatum per se nobilem animum confirmaret his rationibus. Inter argumenta Immortalitatis animarum & futuræ vitæ iudicijque vniuersalis certissima signa, illud in primis numeratur, quòd bonos videamus hic opprimi, impios in altum euehi; virtutem vexatione, vitium honoribus cumulari. Nam cum in cæteris rebus omnibus, quæ infra hominem sunt, apta naturæ vniuscuiusque atque accommodata vniuersa sint, & ratio doceat bono laudem & præmium, malo deberi supplicium, quis cogitare potest rerum omnium moderatorem & ducem Deum, in rebus infimi generis tam prouidum, tam æqualem, in præcipua totius vniuersi portione, homine, tam fuisse, vt ita dicam, negligentem aut præposterum? Aliud igitur tempus est in quo hæc rerum inversio corrigatur; alia vita, & locus alius, quò vitium quod hic laudatur alibi puniatur; virtus isthic depressa, debitis laudibus & præmiis decoretur. Quo argumenti genere quemadmodum vniuersæ ratiocinationes contrariæ facile concidunt & euanescent, ita qui ad hæc non aduertunt animum, fato & casui tribuunt omnia, & cuidam quasi naturæ ordini; arbitantes rerum auctorem omnipotentem, prudentemque moderatorem (si quis eorum iudicio exultat) præmia & supplicia æquiori consilio distributurum: Qui vero à Christo edocentur certissimè hanc vitam esse *militiam, peregrinationem, exilium*, intelligunt profectò, neque in *itinere* inueniri *quietem*, neque in *exilio patriam*, neque ante finitum *prelium* expectari posse *Coronam*. Illis sanè sua sit isthic *pax*, quibus volupe est magis vinci quàm vincere; sua illis *requies*, quibus *Ægyptiorum* allijs vesci sine labore est dulcius, quàm in terra promissionis lacte & melle saturari, aliquo hic interim labore exercitatis; Illis sit hæc solitudo *Patria*, qui damno suo incredibili malunt de itinere in vili casa obdormire, quàm pergere in Cælestem Hierusalem, ciuitatem veræ pacis, & æternis frui deliciis. Cur autem Deus in hac vita tam dispari ratione supplicia partiatur & præmia, si queratur causa, ea in perfectissimam eius iustitiam referenda est: Nihil peruersè gestum relinquet illa impunitum; nihil sine laudis & honoris præmio quod fuerit actum cum virtute: Inferiora verò virtuti longo interuallo sunt huius vitæ bona, & impar præmium: Pœnæ quoque temporariæ grauior vindicta quàm piorum peccata mereantur, si vnà consideres quantum eos hic doleat pœniteatque: Horum igitur culpæ istius temporis afflictionibus corriguntur; merita seruantur æternis præmiis remuneranda: Id ex aduerso quod exiguum est boni in malis, cum æternâ non mereatur felicitatem, compensatur temporali: Peccata grauiora quàm vt humanarum miseriarum modus par illis esse possit, æternorum tormentorum flagellis castigantur. Suauissimus quisque flos primo quoque tempore à radice, & culmo, à consueto succi alimento auullus carpitur; vilis vrtica, & herba quæuis insipida his omnibus gaudens relinquitur, ariditate absumenda: Flos tamen sic viduus in honore est dum principum gestatur manibus, & super-

superba ornat conclauiā; herba in nullo est pretio pergat licet crescere, & 1595<sup>o</sup>  
 quantam natura dederit gaudeat aetate. Qui flores luauiores quā qui in Dei  
 hortis enascuntur? Quæ herbæ insullæ magis, quā quæ in huius mundi  
 solitudine in altum efflorescunt? Nemini igitur mirum esse debet si illorum  
 suauitate delectatus Deus, carpos in calum transferat; has insipidas &  
 maleolentes herbas negligat, dum sua ipsarum aetate arescentes decidant, fo-  
 menta futuræ ignis sempiterni. Optimum tibi est hinc abire dum optimo es  
 animo, & firmissimo. Optabilius plano æquore diuini spiritus fauente aura  
 nauigare, quā aeternitatis incertum de animæ salute (mox in tuto certissimè  
 collocanda) dubiis adhuc in fluctibus periclitari. Maturitas quædam est gra-  
 tiæ quemadmodum & annorum; & tu quidem fortasse eum nunc modum  
 attigisti qui est secundum mensuram donationis Christi. Iudas ereptus è viuis  
 post primam vocationem, saluus esse potuisset: Saulem si mors obedientem  
 occupasset, non se occidisset; non esset inter viuos problema salus Salomo-  
 nis, si dum in eo feruebat pietas inter viuos esse desisset; sed quia eam gratiam  
 non sunt consecuti vt cum erant optimi tollerentur; malitia mutante intel-  
 lectum in cogitationibus suis euauerunt. Multi sunt in morte timores. Pri-  
 mum, certa est: tempus, locus, modus, conditio, incerta; denique id max-  
 imè terret dum quæ sint mortem secutura dubitamus. Hi timores omnes in  
 te vel nulli sunt vel minores; Tempus, modus, locus certus est; merces secu-  
 tura (vniuersa assentiente Ecclesia) indubitata; conditio dein de animæ tuæ  
 qualis alio vnquam tempore poterit expectari. Mens etiam & sensus integri,  
 quibus mortem, qualis ipsa sit, æstimare potes: non erit enim tam iniucun-  
 da propter damnum quod inferet; quā iucunda propter incommoda  
 quæ præcindet: neque tam erit fugienda propter vitam quam termi-  
 nat, quā amplectenda pro inenarrabili felicitate quam inchoat. Ec-  
 enim hæc tua causa, (quocumque demum infametur nomine, quibus-  
 cunque ante oculos hominum deformetur coloribus) Religio est. Id ipsa  
 forma accusationis loquitur; id prudentiores omnes ledatiorelque sentiunt;  
 id cætera argunt quæ in tua hac causa allata sunt: Perge quā hæcenus pati-  
 entia & æquabilitate, & quidquid ab inuidis dicatur, verum erit in hac tua  
 calumnia illud Psalmi: *In memoria aeterna erit iustus, ab auditione mala  
 non timebit.* Multorum te gemitus, multorum te descent lachrymæ: morien-  
 tem neminem plures iustioresque persecutæ sunt quærelæ; passim augurantur  
 homines tuam in morte constantiam, in patientiâ humilitatem, præ omni  
 longioris vitæ industria Ecclesiæ Dei profuturam tam acerbo ferunt animo  
 vniuersi iniquam hanc sententiâ. Martyrium in vnoquoque hominū summo  
 cum honore coniunctū est semper, tibi duplicatam afferet palmam, qui po-  
 teris cum palmista dicere *præstitisti decori meo virtutem*, cum gloriâ Cru-  
 cis Christi coronaueris nobilitatem. Si peccasti, nullū est tali morte potentius  
 Sacramentum, nulla validior satisfactio: si benè es meritis (quod ego qui-  
 dem arbitror) coronâ nulla excellentior, nulla Martyrio laurea gloriosior.

1595. Non te igitur aut furor aut fictio, aut gladius, aut splendida vestis gloria, non pretium, non preces, non vlla violentia separet à Charitate Christi. Natus es ut esset Dei; quod vixisti à Deo est; pro Deo mortem hanc oppetis; illa mors firmabit vacillantes, fortes reddet fortiores; noti plaudent; ignoti habebunt attoniti; frangentur animis aduersarij, dum tu in vtroque orbe æternum tibi paries nomen. Felix initium feliciorum sortietur exitum: Quem hæcenus neque carcer diuturnus, neque mortis sententia terruit, non spes veniæ, non fucata promissiones emolliant. Causa Dei est; conflictus breuis; præmium æternum; animæ denique tuæ res agitur. Ieiunijs, oratione, pœnitentiæ laboribus noli te nimium affligere, quò sis in extremo conflictu vegetior. Desiderium consistendi (nunc cum præclusa est via) & cordis humilis contritio, quam fuso in hac causa sanguine signabis, plena erit ut in baptismo peccati remissio & omnis pœnæ. Tanta est prærogatiua Martyrij: Initi certaminis exitum opto tibi felicissimum; & spero nos, Dei ope, vnà olim videbimus in gloria. Vale.)

Camdenus  
Ao. Elizabethæ. 38.

XXII. Hæc ad Comitum *Southwellus* de morte & mortis causa gloriosa; At ille vitam quam alienâ manu eripiendam expectabat, pijs excolens meditationibus, anno post sententiam sexto religione conclusit austeriore quàm segnes animi aut probandam, aut ferendam existimarunt: Fluxa enim hæc, non quâ ceteri mensura, sed lance metiebatur æternitatis. Corpus nulla pompa primùm terræ mandatam est in sacello eius Arcis in qua vixerat captiuus. Post annos fermè triginta, Iacobo Regni habenas moderante, Illustrissima Comitissa obtinuit ut domesticæ sepulture possent ossa inferri, conditaque Sarcophago ferreo, reposita in ædícula à se fabricata Arondelij, sub hac inscriptione. *Philippi comitis olim Arund: & Surr: Ossa veneranda hoc loculo condita, impetrata à Iacobo Rege veniâ, Annæ uxoris dilectissima curâ, Thomæ Filij insigni pietate, à Turri Londinensi in hunc locum translata sunt. Anno 1614. Qui primo ob fidei Catholicæ professionem sub Elisabetha carceri mancipatus, deinde pœnâ pecuniariâ decem mill, libr: multatus, tandem capitis iniquissimè condemnatus, post vitam in arctissima custodia in eadem turri, Annis 10. Men: sex sanctissimè transactam pijsime XXI. Octobris 1595, non absque veneni suspitione, in Domino obdormiuit.*

Thren. 30.  
26.

*Southwellus* verò non tam solitarius agebat apud Comitissam, ut non surripere se domo aliquando, ipsa assentiente, ut alijs lubueneret; accedebat enim vtrique illud spiritualis utilitatis, ut quos ille labore & periculo, illa collato sumtu lucrifaceret. Tum cum aliquandiu abfuisset, reuocabat se ad notam solitudinem; ut cum Propheta præstolaretur cum silentio salutare Dei, & tacendo leuaret super se; quam vicissitudinem quantum prætulit incerto & vago viuendi generi, vtile erit discere ex literis ad Sacerdotem quendam scriptis qui oberrans nullo loco consistebat. "Doleo, inquit, vehementer, cum te audio instabili quadam viuendi ratione